

Ү р н д ä н

Нилх бичкн цагасчнь
Наадулад, саатулад өсгläв.
Насн немгдх дутман
Нандан джиргълтä болнач.

Харнъгъу сө босад,
Хуүрäläд кевтүлдг билäв.
Хот-хувцичнь белдäл,
Хаджудчнь суудг билäв.

Газр ишкдг болгъад,
Күүнä кел медүлäd,
Гарасчнь эврән көтлäd;
Күргдж школд оруллав.

Өрүн сургъульд күргчкäd,
Өдрин дуусн ухалнав:
—Эндр мини үрн
Эндүрл уга суртха...

Арвн джилән төгскäd
Аттестатан авад гархч.
Альк хаалгъан медхчнь
Алдг, хаадг уга!
САНГАДЖИЕВА БОСЯ.